



Broj: UV-150-02-1- ~~829~~-5 /23 MM  
Sarajevo, 04.04. 2023. godine

Na osnovu člana 70. stav (1) i (3) i člana 72. stav (3) tačka a) Zakona o javnim nabavkama (Službeni glasnik BiH, 39/14 i 59/22), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 3. sjednici od 30.03.2023. godine donosi

## **ODLUKU**

### **o izboru drugorangiranog ponuđača u postupku javne nabavke usluge – čišćenje prostorija poslovnih objekata za potrebe Centralne banke Bosne i Hercegovine – Glavne jedinice Sarajevo – lot 2**

#### **Član 1.**

Centralna banka Bosne i Hercegovine (u daljem tekstu: Centralna banka) ugovor za nabavku usluge – čišćenje prostorija poslovnih objekata za potrebe Centralne banke Bosne i Hercegovine – Glavne jedinice Sarajevo – lot 2, putem otvorenog postupka, dodjeljuje ponuđaču ATALIAN GLOBAL SERVICES BH d.o.o. Sarajevo, na period od dvije godine, u svemu prema ponudi broj: 154-KA/23 od 06.02.2023. godine.

#### **Član 2.**

Ponuda ponuđača iz člana 1. ove odluke, nakon održane e-aukcije, glasi na iznos od:

68.073,00 KM bez PDV-a

(slovima: šezdesetosamhiljadasedamdesttri konvertibilne marke i 00/100)

odnosno

79.645,41 KM s uračunatim PDV-om

(slovima: sedamdesetdevethiljadašeststotinačetdesetpet konvertibilnih maraka i 41/100).

#### **Član 3.**

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Centralna banka Bosne i Hercegovine – Glavna jedinica Sarajevo (u daljem tekstu: Glavna jedinica Sarajevo).



#### Član 4.

Za realizaciju ove odluke zadužuju se Glavna jedinica Sarajevo, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

#### Član 5.

Ova odluka će se objaviti na web-stranici Centralne banke [www.cbbh.ba](http://www.cbbh.ba).

### O b r a z l o ž e n j e

Postupak javne nabavke usluge – čišćenje prostorija poslovnih objekata, pokrenut je Odlukom, broj: 150-16-35-296-2/23 MM od 19.01.2023. godine. U skladu s tim, Centralna banka je 27.01.2023. godine na Portalu javnih nabavki objavila obavještenje o nabavci broj: 1370-1-2-85-3-78/23. U predviđenom roku za prijem ponuda, odnosno do 17.02.2023. godine, blagovremeno su dostavljene četiri ponude sljedećih ponuđača za lot 2:

1. EUROSAN d.o.o. Mostar,
2. ECOTIME d.o.o. Sarajevo,
3. ATALIAN GLOBAL SERVICES BH d.o.o. Sarajevo
4. KRISTAL d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da pristigle ponude zadovoljavaju sve uslove tražene tenderskom dokumentacijom.

Sa navedena četiri ponuđača je zakazana e-aukcija za dan 20.02.2023. godine. Po završetku e-aukcije prvorangirana je ponuda ponuđača Ecotime d.o.o. Sarajevo za lot 2, a što je navedeno u Zapisniku o pregledu i ocjeni ponuda, broj: 149-16-35-566-8/23 i Izvještaju o radu sa preporukom, broj: 149-16-35-566-9/23, oba od 20.02.2023. godine.

U skladu sa navedenim Centralna banka Bosne i Hercegovine je donijela Odluku o izboru najpovoljnijeg ponuđača, broj: UV-150-02-1-615-4/23 MM od 03.03.2023. godine, kojom je ugovor za lot 2 dodijeljen najpovoljnijem ponuđaču Ecotime d.o.o. Sarajevo. Navedena Odluka je zajedno sa Obavještenjem o rezultatima postupka javne nabavke dana 03.03.2023. godine dostavljena svim ponuđačima koji su učestvovali u postupku nabavke.

U skladu sa odredbama tenderske dokumentacije i Obavještenjem o rezultatima postupka javne nabavke, obaveza izabranog ponuđača je bila da u roku od 5 dana od dana zaprimanja obavještenja dostavi dokaze o ispunjavanju uslova iz člana 45. stav (2) Zakona o javnim nabavkama. Izabrani ponuđač je navedeno Obavještenje zaprimio dana 03.03.2023. godine, te je u roku od 5 dana bio obavezan dostaviti tražene dokaze.

Komisija je dana 13.03.2023. godine održala sastanak na kojem je konstatovala da je ponuđač Ecotime d.o.o. Sarajevo propustio u roku da dostavi originale ili ovjerene kopije dokumenata iz člana 45. stav (2) Zakona o javnim nabavkama, a što je navedeno i u Zapisniku u postupku javne nabavke usluge čišćenja prostorija poslovnih objekata, broj: 149-16-35-566-14/23 od 13.03.2023. godine. U navedenom zapisniku Komisija je dala preporuku da se ugovor dodjeli ponuđaču čija je

ponuda po rang-listi odmah nakon ponude najpovoljnijeg ponuđača shodno Izvještaju o toku i završetku e-aukcije.

Postupajući po navedenoj preporuci Komisije i primjenjujući član 72. stav (3) tačka a) Zakona o javnim nabavkama, odlučeno je kao u dispozitivu ove odluke.

**Pouka o pravnom lijeku:**

Odluka se donosi radi primjene člana 72. stav (3) tačka a) Zakona o javnim nabavkama. U skladu sa članom 101. stav (7) Zakona o javnim nabavkama žalilac koji je propustio izjaviti žalbu u skladu sa zakonskim rokovima gubi pravo tražiti ispitivanje zakonitosti po istom osnovu, u kasnijoj fazi postupka.

**Predsjedavajući  
Upravnog vijeća Centralne banke  
Bosne i Hercegovine**

**GUVERNER**

**dr. Senad Softić**



Dostaviti:

- guverneru
- viceguvernerima
- predsjedniku i članovima komisije
- Uredu glavnog internog revizora
- sekretaru Upravnog vijeća i Uprave
- Odjeljenju za računovodstvo i finansije (original)
- Odjeljenju za javne nabavke (original)
- ATALIAN GLOBAL SERVICES BH d.o.o. Sarajevo
- Glavnoj jedinici Sarajevo
- u spis predmeta (original)
- arhiva